

TEKS UCAPAN

Y.BHG. PROF. DR. SHAHRIN BIN SAHIB

NAIB CANSOLOR

MAJLIS PERASMIAN KONVO FEST KE 10

26 SEPTEMBER 2014 (JUMAAT)

3.00 PETANG, TAPAK KONVOFEST

Bismillahirrahmanirrahim

Terima kasih Saudara Pengerusi Majlis

Yang Berbahagia Tan Sri Datuk Dr. Johari bin Mat
Pro Canselor Universiti Teknikal Malaysia Melaka

YBhg. Tan Sri Dato' Ir. Dr. Haji Ahmad Zaidee Bin Laidin.
Pengerusi Lembaga Pengarah Universiti Teknikal Malaysia Melaka

Ahli –ahli Lembaga Pengarah Universiti

Yang Berbahagia Dato' Prof. Dr. Mohd Nor bin Husain
Timbalan Naib Canselor (Akademik dan Antarabangsa)

Yang Berbahagia Prof. Ir. Dr. Mohd Jailani bin Mohd Nor
Timbalan Naib Canselor (Penyelidikan dan Inovasi)

Y.Bhg. Prof. Dr. Muhammad Ghazie b. Ismail
Penolong Naib Canselor (Jaringan Industri & Masyarakat)

Y.Bhg. Datuk Prof. Dr. Zolkepli b. Buang
Penolong Naib Canselor (Pembangunan & Pengurusan Fasiliti)

Pegawai-Pegawai Kanan Universiti,

Barisan Majlis Perwakilan Pelajar,

Para penaja, wakil-wakil media, para pelajar, seterusnya, hadirin dan
hadirat yang dihormati sekalian.

Assalamualaikum Wrt. Wbt. dan Salam Sejahtera, Salam Satu Malaysia

Salam Melaka Maju Negeriku Sayang, Negeri Bandar Teknologi Hijau,
Melaka 752 tahun, Melaka Maju Fasa 2, Berkat, Cepat, Tepat.

1. Alhamdulillah marilah kita sama-sama merafakkan setinggi-tinggi kesyukuran ke hadrat Allah SWT yang telah memberi kesempatan untuk kita berhimpun dan bertemu dalam Majlis Perasmian Konvo Fest Ke 10 2014 pada petang yang berbahagia ini.
2. Saya mengambil kesempatan ini merakamkan setinggi-tinggi penghargaan dan terima kasih di atas kesudian Yang Berbahagia Tan Sri Datuk Dr. Johari bin Mat, Pro Canselor UTeM di atas kesudian meluangkan masa untuk hadir bagi memeriahkan majlis pada petang ini. Terima kasih dan syabas diucapkan kepada Pejabat Hal Ehwal Pelajar dan Alumni dengan kerjasama Majlis Perwakilan

Pelajar serta kelab-kelab dan persatuan-persatuan pelajar di atas komitmen jitu dalam memastikan kelancaran majlis pada petang ini.

3. Konvo Fest merupakan acara tahunan yang diadakan bagi meraikan kejayaan graduan yang bakal menerima ijazah masing-masing pada 27 dan 28 September ini. Untuk makluman hadirin sekalian, jumlah graduan yang bakal bergraduasi pada Konvokesyen kali ini adalah seramai **2,396** orang pelajar merangkumi **12** orang pelajar Doktor Falsafah, **173** pelajar Sarjana, **1,700** pelajar Sarjana Muda dan **511** orang pelajar Diploma. Adalah menjadi harapan Universiti agar graduan yang dilahirkan dapat menguasai dan seterusnya mengaplikasi ilmu yang dipelajari dengan sebaiknya selain mempunyai kemahiran insaniah dan ciri-ciri kepemimpinan yang unggul.

Hadirin dan Hadirat sekalian,

4. Penganjuran Konvo Fest 2014 ini telah dirancang awal bagi memastikan pengisian yang mantap serta dapat menarik minat lebih ramai pengunjung terutamanya masyarakat setempat untuk hadir. Bermula dari malam ini sehingga ke hari Ahad, para pengunjung Konvo Fest akan disajikan dengan pelbagai program yang menarik serta mampu memberi manfaat yang berguna kepada pengunjung. Untuk makluman juga sejumlah 42 buah gerai jualan dan pameran dari fakulti dan pihak luar telah disediakan.

Hadirin hadirat sekalian,

5. Sebagai makluman, pada tahun ini, tema Konvo Fest yang dipilih adalah “**Merintis Generasi Inovasi**”. Tema ini menzahirkan keseriusan pihak Universiti dalam melahirkan modal insan yang berkualiti tinggi, mempunyai ciri-ciri kreatif dan inovatif seterusnya menjadi perintis dalam melestarikan kemajuan bangsa serta negara.

6. Saya menyeru agar mahasiswa dan mahasiswi dan warga kampus dapat mendalami pengisian tema ini dan berganding bahu untuk menjayakannya. Semoga mahasiswa dan mahasiswi UTeM dapat menimba pengalaman dan memanfaatkan matlamat penganjuran Konvo Fest UTeM sebagai platform untuk mengasah bakat terutama dalam aspek kepimpinan, pengurusan dan yang penting, mengutamakan nilai perpaduan sebagai kunci kekuatan organisasi.

Tepian biara pohon pulasan,
Pepohon manggis di atas papan,
Aspirasi negara mencapai wawasan,
Generasi Inovasi letaknya harapan.

Hadirin Hadirat Sekalian,

7. Pada masa kini, Universiti bukan hanya berperanan sebagai sebuah gedung ilmu tetapi ia turut menjadi tempat bagi menjana modal insan yang dinamik, maju dan membangun.
8. Justeru, peranan universiti perlu sentiasa diperkukuhkan agar dapat melahirkan generasi pewaris yang faham, endah dan menghayati erti kemerdekaan, menghargai keamanan dan prihatin terhadap keberadaan masyarakat. Ini adalah kerana Negara dan masyarakat

memerlukan idea, pemikiran dan tindakan yang sistematik lagi strategik untuk maju terus ke hadapan.

9. Dalam masa yang sama, mahasiswa dan mahasiswi juga perlu sentiasa bersiap siaga dengan sikap dan ketahanan mental supaya mampu berhadapan dengan pelbagai cabaran globalisasi dan mengharungi limpahan teknologi yang mencabar untuk melangkah ke hadapan. Sebagai agen utama dalam merealisasikan agenda transformasi negara, mahasiswa dan mahasiswi juga harus bertindak sebagai kumpulan masyarakat yang aktif, proaktif, kreatif dan inovatif dalam menghadapi apa jua situasi dan rintangan.
10. Saya amat yakin penglibatan mahasiswa dan mahasiswi dengan bimbingan Pejabat Hal Ehwal Pelajar dan Alumni pada Konvo Fest ini merupakan landasan pembelajaran yang berkesan dalam mewujudkan kualiti dan kecemerlangan mahasiswa dan mahasiswi

UTeM. Tambahan lagi keusahawanan merupakan salah satu agenda penting Kementerian Pendidikan Malaysia bagi melahirkan mahasiswa dan mahasiswi yang berdaya saing dan cekal bagi menjana inovasi negara dan pertumbuhan ekonomi yang lebih mantap di masa hadapan.

Para hadirin sekalian

11. Untuk makluman, kemeriahan Konvo Fest ini turut diserikan dan disokong oleh tajaan beberapa syarikat dan organisasi dalam pelbagai program yang disediakan. Terima kasih kepada semua pihak yang telah menghulurkan tajaan dan sokongan dalam menjayakan Konvo Fest tahun ini.

12. Akhir kata saya mengambil kesempatan ini mengucapkan syabas dan tahniah kepada seluruh Jawatankuasa Pelaksana Majlis Konvo Fest ke 10 UTeM di atas komitmen dan tindakan pro aktif dalam menjayakan program tahun ini.

Bunga kesidang harum mewangi,
Mekar dipohon cantik berseri,
Konvo Fest meriah pelajar dirai,
UTeM tersemat selamanya dihati

Sekian, saya akhiri ucapan ini dengan wabillahi taufik walhidayah,
wassalamualaikum wrt. wbt.